



UPRAVA POLICIJE

Broj: 05-04/06-11- 554 /23/RS  
Datum: 31.05.2023. godine

Na osnovu člana 17. stav (1), člana 18 stav (1), člana 87. i člana 90. Zakona o javnim nabavkama BiH („Službeni glasnik BiH“, broj: 39/14 i 59/22), člana 26. i člana 27. stav (3) Zakona o unutrašnjim poslovima Unsko-sanskog kantona („Službeni glasnik USK-a“, broj 13/16 i 16/17), te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23), a na osnovu Odluke broj: 05-01-11-381/23/AB od 26.05.2023. godine o dodjeli nagrada uposlenicima MUP USK-a i Uprave policije MUP USK-a, povodom obilježavanja 12. juna “Dana policije USK-a“, načelnik Sektora kriminalističke policije Uprave policije MUP USK-a **d o n o s i :**

**ODLUKU**

**o pokretanju postupka nabavke putem direktnog sporazuma**

Član 1.

Odobrava se pokretanje postupka javne nabavke roba – ručnih satova koji se dodjeljuju uposlenicima Uprave policije MUP USK-a prilikom penzionisanja.

Član 2.

Predmetna nabavka će se finansirati iz sredstava budžeta Uprave policije MUP USK-a za 2023. godinu. Javna nabavka će biti provedena primjenom direktnog sporazuma u skladu sa Zakonom o javnim nabavkama BiH („Sl. glasnik BiH“, broj 39/14 i 59/22), podzakonskim i internim aktima. Zakonski osnov za provođenje postupka javne nabavke predstavlja član 87. i član 90. Zakona o javnim nabavkama.

Član 3.

Procijenjena vrijednost nabavke iz člana 1. ove odluke iznosi do 6.000,00 KM bez PDV-a. Postupak nabavke sprovede će se zaključenjem ugovora sa ponuđačem za isporučenu robu zbog toga što je procijenjena vrijednost nabavke veća od 1.000,00 KM u skladu sa Pravilnikom o javnim nabavkama MUP USK-a i Uprave policije MUP USK-a.

Oznaka i naziv iz JRJN:

18500000-4 Nakit, satovi i srodni proizvodi

Član 4.

Za realizaciju ove odluke zadužuje se Odsjek za materijalno opremanje i komercijalne poslove Sektora za materijalno-finansijske poslove i informacijsko-komunikacijske tehnologije Uprave policije MUP USK-a.

Član 5.

Ova odluka stupa na snagu danom donošenja.

**O b r a z l o ž e n j e**

Postupajući po Odluci broj: 05-01-11-381/23/AB od 26.05.2023. godine, Sektor za materijalno-finansijske poslove i informacijsko-komunikacijske tehnologije Uprave policije je pokrenuo postupak javne nabavke roba – 21 (dvadesetjednog) ručnog sata, i to: 19 (devetnaest) muških i 2 (dva) ženska ručna sata sa posvetom povodom obilježavanja 12. juna “Dana policije USK-a“ za 2023. godinu.

S obzirom da je kod javnih nabavki čija procijenjena vrijednost iznosi više od 1.000,00 KM bez PDV-a obavezno zaključivanje ugovora o nabavci u skladu sa Pravilnikom o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23), odlučeno je kao u članu 3. ove odluke.

Pri donošenju ove odluke, Uprava policije MUP USK-a se posebno rukovodila činjenicom da se pojedinačna nagrada - ručni sat sa posvetom dodjeljuju uposlenicima Uprave policije MUP USK-a koji su penzionisani ili će steći uvjete za penzionisanje u periodu od 12. juna 2022. godine do 31.12.2023. godine, da je predložena nabavka planirana u Planu nabavki za 2023. godinu broj: 05-04/06-11-414/23/RS od 03.05.2023. godine, da je realno procijenjena vrijednost na tržištu, da su obezbjeđena sredstva za nabavku i predložena odgovarajuća vrsta postupka.

Na osnovu utvrđenog činjeničnog stanja, odlučeno je kao u članu 1. ove odluke.

Prilog ovoj odluci je kopija Odluke broj: 05-01-11-381/23/AB od 26.05.2023. godine o dodjeli nagrada uposlenicima Ministarstva unutrašnjih poslova Unsko-sanskog kantona.

Dostavljeno:

1. Sektor za mat.-fin. poslove i IKT (za objavu)
2. a/a

NAČELNIK SEKTORA  
KRIMINALISTIČKE POLICIJE  
samostalni inspektor



Jusuf Mešić